



ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՇԱՀՈՒՄՅԱՆԻ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐԻ 2013 ԹՎԱԿԱՆԻ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Ձեկուցող՝ համայնքի ղեկավար Հ.Գ.Նավասարդյան

2014 թվականի հունվարի 22-ին Արմավիրի մարզի Շահումյան համայնքում տեղի ունեցավ ժողով՝ մասնակցությամբ մարզպետարանի աշխատակազմի ներկայացուցիչ Վարազդատ Սկրտչյանի, Շահումյան համայնքի ավագանիներ Ս.Պողոսյանի, Կ.Եղիազարյանի, Ե.Նավասարդյանի, Վ.Համբարձումյանի, Ա.Գրիգորյանի, Ս.Հարությունյանի, Զ. Սադոյանի և համայնքի բնակիչների:

Հարգելի պարոն Սկրտչյան, ավագանու անդամներ և հյուրեր, ձեզ եմ ներկայացնում 2013 թվականի բյուջեի կատարման տարեկան հաշվետվությունը:

Ինչպես գիտեք համայնքի բյուջեի միջոցով իրականացվում է համայնքի կենսագործունեությունն ապահովող ֆինանսատնտեսական քաղաքականությունը, ուստի ինձ համար կարևոր է ձեր կարծիքը բյուջեի գործընթացի մասին:

Շահումյան համայնքի գյուղապետարանի աշխատակազմը բաղկացած է 15 աշխատողներից, որից 6-ը համրային ծառայողներ են, 4-ը հայեցողական, 5-ը տեխսպասարկման անձնակազմ:

2013 թվականի դրտացիան կազմել է 23553.8 հազ. դրամ:

Համայնքի վարչական տարածքը կազմում է 496 հա, որից 253 հա գյուղատնտեսական նշանակության հողեր են /վարելահող 122.1 հա, բազմամյա տնկարկ ընդամենը 28.2 հա /:

Իմ հանձնարարությամբ Աշխատակազմի քարտուղարի կողմից իրականացվել է գյուղապետարանի աշխատակազմի ամխափան աշխատանքը: Նախապատրաստվել է համայնքի ավագանու նիստերի օրակարգը, նիստում քննարկվող հարցերի նախագծերը:

Ղեկավարվելով «Տեղական ինքնակառավարման մասին» , «Իրավական ակտերի մասին» Հայաստանի Հանրապետության օրենքներով, այլ օրենքներով և իրավական ակտերով, հաշվետու ժամանակաշրջանում իրականացվել է պետության կողմից պատվիրակված և կամավոր լիազորություններ:

Հրավիրվել և վարվել է ավագանու 10 նիստ, որից 6 հերթական, 4 արտահերթ:

Աշխատակազմի քարտուղար Գ.Համբարձումյանը, պահպանելով «Տեղական ինքնակառավարման մասին» Հայաստանի Հանրապետության օրենքի պահանջները, ժամանակին ապահովել է համայնքի ղեկավարի և ավագանու որոշումների առաքումը մարզպետարան:

Կազմակերպվել է քաղաքացիների ընդունելություն համայնքի ղեկավարի և ավագանու անդամների մոտ: Ընդունելության եկած քաղաքացիներին տրվել է սպառիչ պատասխան:

Հայաստանի Հանրապետության Արմավիրի մարզպետարանից և այլ կազմակերպություններից ստացված գրություններին պատասխանվել է ժամանակին և ապահովվել է այդ գրություններում նշված պահանջների կատարումը:

Ղեկավարվելով «Տեղական ինքնակառավարման մասին» ՀՀ օրենքի պահանջներով՝ իմ կողմից իրականացվել է օրենքով սահմանված մի շարք պարտադիր լիազորություններ: Հաշվետու ժամանակաշրջանում վերահսկողություն է իրականացվել իողի հարկի և գույքահարկի հարկատեսակների հավաքագրման աշխատանքների նկատմամբ:

2013 թվականի բյուջեի եկամուտները կազմել են 31658.1 հազ. դրամ, որի հիման վրա էլ մեր կողմից իրականացվել է պետության կողմից պատվիրակված և համայնքի ղեկավարի կանափոր լիազորությունները:

Հողի հարկը տարեկան կտրվածքով կազմել է 5792.3 հազ. դրամ, հավաքագրվել է 6273.1 հազ. դրամ, կատարողականը 108.3 %:

Հողի վարձակալության վճարը կազմել է 333.0 հազ. դրամ, հավաքագրվել է 333.4 հազ. դրամ, կատարողականը 100.1 %:

Գույքահարկ փոխադրամիջոցների համար կազմել է 1250.0 հազ. դրամ, հավաքագրվել է 1355.4 հազ. դրամ, կատարողականը 108.4 %:

Գույքահարկ 2-ին օրենքների համար կազմել է՝ 280.0 հազ. դրամ, հավաքագրվել է 305.4 հազ. դրամ, կատարողականը 109.1 %:

Տեղական տուրքերի գծով համայնքի տարածքում առևտրի կետերի ծխախոտի և ոգելից խմիչքների վաճառքի թույլտվության համար սահմանված 84.0 հազ. դրամի դիմաց հավաքագրվել է 120.0 հազ. դրամ, կատարողականը 142.8 %:

Գազ և վառելիքաքսայուղային նյութեր՝ 150.0 հազ. դրամի դիմաց հավաքագրվել է 156.0 հազ. դրամ, կատարողականը 104%:

Ոչ հարկային եկամուտներ՝ 200.0 հազ. դրամի դիմաց հավաքագրվել է 213.9 հազ. դրամ, կատարողականը 106.9 %:

298 → 281

Տարեկան կտրվածքով սեփական եկամուտների հավաքագրման կատարողականը պլանի նկատմամբ /հողի հարկ, փոխադրամիջոցի գույքահարկ, շենք-շինությունների գույքահարկ, վարձակալական հողի հարկ/ կազմել է 108.3 %:

Քաղաքացիների, տնտեսվարող սուբյեկտների իրավունքների պաշտպանության բնագավառում իրականացվել է համայնքի ղեկավարի պարտադիր լիազորությունները:

Ֆինանսների բնագավառում հաշվետու ժամանակաշրջանում, համայնքի բնակչությանը տրվել է ֆինանսական օգնություն սոցիալապես անապահով ընտանիքներին:

Քաղաքաշինության և կոմունալ տնտեսության բնագավառում կատարվել են հետևյալ աշխատանքները՝

- համայնքում աղբահանությունը բնականոն կատարվում է ամիսը 3 անգամ՝ էջմիածնի քաղաքապետարանի բնակկոմունալ վարչության հետ կնքված պայմանագրի հիման վրա ,
- սահմանված կարգով բնակչությանը իրազեկվել է ծրագրվող քաղաքաշինական փոփոխությունների, կառուցապատման հետ կապված օրենսդրական փոփոխությունների մասին,
- այդ առումով համայնքի 7 բնակիչներ վերականգնել են իրենց գույքային սեփականության իրավունքը մեր միջնորդությամբ և ստացել վկայականներ:

Հողօգտագործման բնագավառում՝

իրականացվել է վերահսկողություն համայնքի վարչական սահմաններում գտնվող հողերի նպատակային օգտագործման և հողօգտագործողների կողմից հողային օրենսդրության պահանջների պահպանման նկատմամբ:

Կատարվել է նաև հողաչափական աշխատանքներ բնակիչների դիմումների հիման վրա:

Կրթության և մշակույթի բնագավառում իմ կողմից մշտական ուշադրության է արժանանում գյուղի միջնակարգ դպրոցը: Գյուղի դպրոցում իրականացվող միջոցառումները արժանանում են գյուղապետարանի աջակցությանը:

Գիտելիքի օրվան նվիրված տոնին գյուղապետարանը առաջին դասարանցիներին տարել է շրջագայության ք. Երևան, մանկական երկաթուղի, գազամանոց և այլն: Վերջին զանգի միջոցառմանը նույնպես տրամադրվել է ֆինանսական աջակցություն:

Համայնքի Սուրբ Մարիամ Աստվածածին եկեղեցու բակում նշվել է «Տեառնընդառաջի» տոնակատարությունը, որի միջոցառմանը մասնակցել են համայնքի հինգ նորապսակ զույգ, միջոցառմանը ներկա են եղել համայնքի բնակիչներ, բակում վառվել է տոնակատարության խորհրդանիշ խարույկ և տրվել է արժեքավոր նվերներ և ծաղկեփնջեր: Եկեղեցու կողմից նորապսակները ստացել են մարգարիտյա վզնոցներ,

եկեղեցու բարերար Կարեն Հովհաննիսյանի կողմից տրվել է ոսկյա կուլոններ՝ Մարիամ Աստվածածնի պատկերով:

Մարտի 8-ի տոնի կապակցությամբ իմ կողմից ուշադրության են արժանացվել համայնքի կենսաթոշակառու կանայք, մանկավարժներ, բուժաշխատողներ, ինչպես նաև գյուղապետարանի կին աշխատակիցներ: Նոր տարում երեխաներին տրվել է նվերներ:

Մշակույթի տանը գործում է համայնքի գրադարանը և «Նավասարդ» պարի խմբակը:

Իմ նախաձեռնությամբ և միջամտությամբ համայնքում «Քրոնիմետ» բարեգործական կազմակերպության կողմից 2013 թվականից կառուցվում է մանկապարտեզ, որը շահագործման կհանձնվի 2014 թվականին:

Համայնքում խմելու ջրի ներտնտեսային համակարգը 2013 թվականին հիմնովին փոխվել է «Հայջրմուղկոյուղի» ՓԲԸ-ի կողմից, շահագործման է հանձնվելու 2014 թվականին:

Գյուղատնտեսության բնագավառում աջակցել ենք գյուղատնտեսական միջոցառումների իրականացմանը, բնակիչներին տրամադրել ենք ազոտական պարարտանյութ և դիզվառելիք:

Համայնքն ունի մի շարք հիմնախդիրներ, որոնցից են՝

- մշակույթի տան վերանորոգում,
- գյուղապետարանի շենքի վերանորոգում,
- համայնքը չունի գլխավոր հատակագիծ,
- գյուղատնտեսական տեխնիկայի բացակայություն,
- մանկապարտեզի գույքի ձեռք բերում և շենքի պարսպապատում,
- ոռոգման ջրի ներտնտեսային ցանցի 4 կմ խողովակների ձեռքբերում:

Շահումյան համայնքի ղեկավար՝  Հ.Գ.Նավասարդյան